

# AD QVODLIBETARIAM.

## QVÆSTIO MEDICA.

340

Matutinis excutienda disputationibus, die Iouis 12. Decemb. In scholis Medicorum Parisi. D. Michaële Marefcot, Medico Regio moderatore.

*Estne scientia rerum naturalium Medico necessaria?*



**V**bi definit physicus incipit Medicus. Definit autem in contemplatione hominis, vtpotè physici corporis parte compositissima: proinde medicus hanc particulam minutius & accuratius suscipit explicandam, physicisq; conclusionibus vtitur tanquam certis & indubitatis principiis. In homine inquam tota medicina vertitur, tanquam in proprio & adæquato subiecto: cætera vt mineralia, plantas, & animalia, ad eum, velut ad finem, refert omnia. de quibus non absolūtè vt physicus, sed comparate, prout homini vsui esse possunt, edisserit. Iis verò vtitur vt alimentis, medicamentis, aut antidotis: Hominem verò diuidit primum in animam, & corpus; Animam, in substantiam, facultates, & functiones. Corpus in continentia, contenta, & impellentia, quibus vniuersa physiologia concluditur.



**H**UMANI corporis duo tantum sunt elementa, Calidum, & Humidum, calorem enim ex humido generat hominem, eodem genitum nutrit, & auge: Frigus, & Siccitas nihil sunt quam eorum priuationes, Opifex iste calor quamuis origine sit cœlestis, contagione tamen sit elementaris: permixtus enim femini, cogendo homogenea, & secernendo heterogenea, ex spumoso excremento partes spermaticas, in adultis irreparabiles: ex menstruo sanguineas efformat, principes omnes simul, quas tamen efficit ministrans conformatrici, quam qui rationalem dixerit, ille eodem iure aues quod mirabili artificio nidos fruant, rationales dixerit.



**A**NIMA est forma corporis viuientis, non *ἐμπλέχεια*, multò minus *συνέχεια* corporis organici. Viuentium autem tria sunt genera, quædam enim reguntur ab anima vegetante, quæ simili nutriuntur, & cresunt, procreantque simile, non mouentur tamen loco, sed in loco. quædam viuunt & reguntur anima sentiente, quæ triplicis spiritus ministerio, animal nutrit, auge, viuificat, mouet loco, visu colores, auditu sonos, gustu sapores, olfactu odores, tactu tractabiles qualitates discernit: horum omnium differentias sensu communi distinguit, quas in memoriæ thesauro ad vsum recondit. Tertium genus viuientium regit anima rationalis, cuius functiones sunt, partim naturales, nutrire, augere, & simile procreare: partim vitales, vt arteriarum dilatatione vitalem auram trahere, earundem constrictione fuliginem excernere, quæ diuerso tempore fiunt in arteriis & corde, cuius pulsatio in editis, ac foetu, peræque necessaria est: partim animales, vt sentire, mouere, respirare, recordari, & intelligere.



**D**VO sunt coniuncta & sensibilia ortus nostri principia, vtriusque parentis semen, & menstruum: non illa à Paracelso falsò & ridiculè conficta, Sal, Sulphur, & Mercurius, semen est benignum excrementum vltimi alimenti, à toto deciduum; quod in testibus nomen seminis, simul & vim prolificam acquirit, potentialola animatum, materiæ & formæ rationem habens. Menstruum laudabile quoque excrementum, quatuor humores includit, quos hepar vno & eodem calore procreat: materiæ enim potius, quam efficiendi dissimilitudinis causam acceptam ferimus. Omnes distribuantur per venas vt nutrant, non promiscuè, sed biliosa portio biliosas partes, vt pulmonem, pituitosa, pituitosas, vt cerebrum, quod idcirco natura sua frigidum potius, quam calidum affirmamus.



**M**EDICVS non est similis architecto, sed ei qui iam constructam domum contèplatur, eamque in primas vsque partes & simplicissimas (à quibus omnis actio) resoluit. Hominis enim à natura perfecti partes primum heterogeneas, deinde homogeneas, vt ossa per articulum mobilem iuncta, venas, & arterias, corporis totius dissectione inuestigat: quæ sunt morborum non tantum communium, vt februm, sed etiam particularium prima subiecta. Ignoratis autem iis quæ sunt secundum naturam, quomodo sciri possunt quæ insunt contra naturam? Ignorata cuiusque natura, qui sciam quantus sit recessus à natura?

*Ergo scientia rerum naturalium Medico necessaria.*

Propugnabit IOANNES RIOLANVS Parisinus. Anno Domini 1602.

D. DOCTORES DISPUTATVRL

*M. Antonius Quiquebauf.  
M. Iacobus d'Amboise Med. Reg.  
M. Iacobus Cousinot.*

*M. Petrus Seguin Profes. Reg.  
M. Ioannes Derenou.  
M. Petrus Pijard.*

*M. Michaël Marefcot Med. Reg. & preses.  
M. Albertus le Febvre Med. Reg.  
M. Marcus Miron Med. Regius.*

